

河南開封縣志

舊名祥符縣

祥符縣志卷十三

祠祀志

寺觀

寺

大相國寺在縣治東齊天保六年建名曰建國寺唐景雲二年改爲相國寺宋至道二年勅建三門製樓於其上御書金字賜額曰大相國寺

宋宋白修相國寺碑記云臣供職禁林伏膺典策伽藍故事緬素預聞按相國寺本北齊建國寺也至唐室睿宗改賜今名大凡有土地曠廓不能自

祥符縣志

卷十三

祠祀  
寺觀

一

立也然後置國城有國城露處不可暫安也然後修棟宇恭承制旨願畢其辭於是謹拜手稽首而颺言曰天生蒸民樹之司牧文經武緯創業垂統建邦設都風雨所會上古已還弗當厥所粵稽載述堯都平陽舜都蒲坂周都豐鎬漢都長安咸以爲天下之君保域中之大若乃睠視梁國在古實屬豫州主於斗極之三度入房星之五度無名山大川之阻衝四通五達之郊梁開平中置爲京闕晉漢有周三代因之嘻天道元遠有開必先惟周之興爲宋經始遷宗社於斯築新城於斯太祖皇

帝潜陽在下元德升聞百姓與能三靈改卜爰尊  
禪讓方陟元后以爲必躬必親所以康世難破澤  
潞維揚之隩不壯不麗何以威外彝闕皇居應門  
之象國之大事在祀與戎增嚴裡上帝之壇大禁  
衛連營之制由是荆湖內附吳蜀一統嚮明而治  
十有七年太宗皇帝德合天地明齊日月肇膺顧  
命一委長君恢張四維奮迅獨斷盛哉吳越享國  
百齡我以尺一而召之蕞爾并汾不庭二紀我則  
一戎衣而下之功成制禮治定作樂新集仙秘閣  
之署草籍田東封之儀旣而麟鳳效祥草木呈瑞

垂衣端拱二十二禩崇文廣武聖明仁孝黃帝之  
應運也紫氣充庭黃雲作蓋壽邸通三之貴震宮  
明兩之朝歷數在躬大寶曰位以至誠奉六廟以  
純孝尊萬安接宮府以雍睦御臣民以公正禮無  
違舉文思化成六合無不獲之夫四海多來賓之  
國皇猷旣以彰矣昌期亦以隆矣一旦負黼宸語  
侍臣曰朕荷九天眷命襲二聖丕基寅畏奉行弗  
敢失隳人熙有慶時汔小康行大中之道吾無間  
然存方外之教意有所關太祖草封禪爲開寶之  
號大宗錫龍興以太平之名別開啟聖之梵宮實

作上都之壯觀唯相國寺勅建三門御書賜額餘  
未成就我當修之乃宣內臣飭大匠百工麇至衆  
材山積岳立正殿翼舒長廊左鐘曰樓右經曰藏  
後拔層閣北通便門廣庭之內花木羅生中廡之  
外僧居鱗次大殿睟容卽慧雲師所鑄彌勒瑞像  
也前樓衆聖卽潁川郡所迎五百羅漢也其形勢  
之雄制度之廣剗削之妙丹青之英星繁高手雲  
萃名工外國之希奇八方之異巧聚精會神爭能  
角勝極思而成之也偉夫觚稜鳥跂梅梁虹伸繡  
栴文璇題玉砌金碧輝映雲霞失色琤鐸玲瓏

咸韶合奏森善法於目前飄樂音於耳界若乃龍  
華春日然燈月夕都人士女百億如雲綺羅繽紛  
花鬢瓔珞巡禮圍遶旃檀衆香仰而駭之謂兒率  
廣嚴攝歸於人世又若天仗還都鳳樓肆赦千乘  
萬騎流水如龍旌旗簪空歌吹沸渭憑欄四顧佳  
氣榮光俯而望之疑蘂珠閭風神化於海上猗宏  
麗也殊超勝也皆不可稱不可量大矣哉維大雄  
氏眞大聖人佐佑大君興隆大化受託付囑爲世  
外護故將以法王能仁兼帝王要道叅而行之經  
言廣大則無思不服經言慈悲則視民如傷經言

忍辱則國君含垢經言利益則我澤如春德惟日  
新精進也畏於天命持戒也如是知見如是信解  
然由造有相之功德廣無邊之福田固皇圖如泰  
山躋蒼生於壽域冀災沴不作 賊不生風雨咸  
若寰區謐甯者歟古云登高能賦作器能銘彼皆  
小者尚以文爲昔簡棲杼頭陀之碑江總紀棲霞  
之跡庾信述鳳林之景王勃演牛頭之詞鴻筆遺  
妍龜趺盡在矧夫夷門巽位汴水陽涯旁連北斗  
之城近對蒼龍之闕哉臣久玷鰲山榮瞻鳳宸捧  
詔惕然抽毫銘曰地象爲輿天形若笠吁嗟五代

祥符縣志

卷十二

祠祀  
寺觀

四

日不暇給祖宗耿光神祇隆祥崛起大宋祚踰皇  
唐赫赫太祖聰明神武櫛風沐雨披壤九土明明  
太宗寬仁肅恭類帝裡宗神德猶龍重熙累洽慶  
流三業玉塞塵兵銅梁獻捷文物葳蕤苞竿雜遝  
信及豚魚混一車書儒通墳索道講元虛勒行二  
教諦奉眞如隋堤之 寺名相國髣髴天宮先華  
日域下福蒸人上延聖歷輪焉奐焉五色相宣春  
陵寶馬許史雲駟爭趨勝地如會諸天不可思議  
歎未曾有悅懌羣心歡 萬日揆日卜星揚於紫  
庭黃麻錫詔翠琰刊銘金田寶刹萬祀千齡

金章宗元世祖相繼修葺失考年明洪武二年勅增  
置僧綱司成化二十年更賜名崇法寺嘉靖三十  
三年修萬厯三十五年重修明季河水圯  
國朝順治十八年巡撫賈漢復重修并增建放生堂仍  
名大相國寺歲久頽落乾隆三十一年巡撫阿思  
哈公題准動

帑重修道光二十七年同治八年屢修葺

賈漢復重修相國寺碑記畧云聖人之治天下也  
用其勢之所自然而利導之則易爲功君子之教  
草之披風水之就下也用其易不用厥難用其順

祥符縣志

卷十三

祠祀  
寺觀

五

不用厥逆用其同不用厥獨禮樂刑政治之大綱  
也堯舜禹湯文武孔子治道所由出而大綱以立  
焉然難易有時焉順逆有機焉同獨有情焉時之  
所至機之所動情之所喻苟利以導之亦可以助  
禮樂刑政所不逮是堯舜禹湯文武孔孟之道固  
不煩閭誨而路鐸也中州盜賊水荒荼毒十年死  
者十九鳥斷烟絕千里疆域灑瀚極目與沙草殍  
骨相黃白我

清戢撫十八載殘廬遺子痛定呻吟譚大劫孽報骨肉  
唏噓輒流涕以爲善相最卽笄巾豎子刺刺無所

眴置口晰以善若孝善若忠則惘惘然使里胥右  
塾鄰長左塾月吉而令授之格格然駭且迂迪順  
惕逆弗若釋語之翕然是可以教倫哉弛爾弓矢  
耨我南畝投壘以魏盈性兢兢然悍不馴于長者  
排粉榆之廡偃僂趨將泚然怦然是可以教敬哉  
饑驅走險穀心不恆墨屎單至眠挺繆怗使出三  
物而矢之蠕蠕口舌無僵本巖陟降之赫赫憚夢  
寐其驚余是可以教信哉中土屠刃膏如飴烹菹  
吾婦子以食凶易牙叔謀之如林乃洗晁面于彭  
水悟郟化于北溟則愾然艾鐘易觥環報翻然而

戚戚厥中也堂下并上四海洋焉是可以教慈哉  
一圭不易民乃饑一樹不藝民乃寒朶頤而斃醜  
靈饗者耗之本也衆口食貧貧乃國茹淡則用約  
用約則資餘餘則豐豐則康愚者見爲福君子見  
爲德是可以教儉哉禮失而求之野步矩步規棘  
棘然却步而走矣縣有鼓鐘弗考作息之見日各  
不謀晝壇而齋禱之磬折孔燠不敢愆肅肅然祇  
于楚夏并旅嬉然陶然鐘鼓不爲淫是可以教禮  
哉盈縮殊形則伎伎則求求則貪貪則驕驕則  
鄙鄙則吝吝則怨怨至於大爭不忍言矣虞芮之

田教以讓乎楚人之弓教以忘乎教讓與忘弗入也曰教以空空則萬有滅六賊假視假與滅學爲寡欲治爲大公是可以教讓哉國用亟民善逋哀哀三木肌肉懟之傷哉貧也絲穀剝心補瘡時痛乎至人用以飼鴉喂虎爲修修者何修不壞身登無上乘鴉虎不恤飼喂矧急公哉公急心未之剝不懟三木身不壞阜國無驚吾里在鼓熙如乘孰上是可以教義哉溱洧不欲贈芍藥阿難楞嚴二義捷于賦大車是可以教貞哉祠之瀆矣諸布諸嚴諸逐鬮辜而兵帙煽將聚米于陬卜古刹以

延舊典民人其同無越耳目是可以安俗矣夫倫以明之敬以肅之信以質之慈以育之儉以節之禮以廉之讓以尚之義以防之貞以厲之俗安九者治之大綱也佛氏之治西竺也用其道可爲治亦可爲教西竺之治不可以治中國西竺之教未始不可以教國者佐中國之教也按周昭王二十四年牟尼生十九學道三十學成演教四十九年至七十九年歿是歷年志學生死亦猶吾也蔡愔秦景之得二十四章經論律至 華林凡五千四百卷以性命爲旨以忠孝爲教無殊理也陳了翁

貫金剛九字于一覺叅以中庸誠之義晁氏謂圓  
通自誠而明楞嚴自明而誠考亭亦謂身與萬物  
同其有心與太虛同其無是謂真空是謂金剛不  
壞理亦不妄也釋迦之能仁圓通之能知金剛之  
能勇三德者天下之達德也尊此三德以達九治  
余用其易余用其順余用其同以佐吾禮樂政刑  
所不逮于萬世爰是營復相國寺縣水隄影坦淤  
墟之巋然鳩廢梓而哀益之構琳座存舊三之一  
右鑿圭沼以廣大圭厥菴另附是役也司空劉公  
兵憲胡公翼勳厥成羣公庶尹實有賴焉料材藝

傭平諸民作八郡子來烝烝輸不等君子謂瘠上  
之民勞則思善也利而導之其無阻嗚呼鬻序翼  
翼棘院峩峩余治爲君子焉城工未役從事梵宇  
余不得已也將何以爲小人焉敢不夙夜是圖哉  
勒石以永吾志于後興云

劉昌重修相國寺碑記云汴城大相國寺卽前朝  
崇法寺也昉於齊天寶六年初名建國寺唐睿宗  
勅改今名於時寶閣金像視昔爲備嗣後宋藝祖  
金章宗元世祖代加修葺至明成化間乃賜名崇  
法嘉靖丁酉又重建資聖閣今寓內咸稱爲大相

國寺而不知有建國崇法之號以唐名相國時符  
瑞游臻玉輦時下其規制爲獨隆故景瞻勝地者  
迄今猶泐舊名云明季闖寇引河灌城遂蕩成巨  
浸舉璇題碧甃鱗次翼舒者俱化爲黃沙白草當  
日慧雲僧初定寺址見池沼瀾漪中有天宮影樓  
閣透迤烏知夫天宮樓閣劫灰再邁仍入清池碧  
沼中耶我

清定鼎誠孝奉

天特存方外之教蓋萬法本無差別治世日星昭於聖賢  
而出世之道亦以明民大中丞賈公誕敷宏化佐

祥符縣志

卷十三

祠祀  
寺觀

九

理

熙朝以佛子之慈悲大仁人之施濟一切廢墜罔不振  
興至如賑饑掩骼禁宰放生諸善事爲之更不遺  
餘力初詣慈寺輒感夙因卽命畧界繚垣欲重建  
大殿顧以開府政殷且相距綦遠經理之人未遑  
驟舉庚子冬月大中丞以讀禮移旌候代自杞如  
汴士民攀擁馬首呼號不令去乃駐節于會城之  
試院余得晨夕過從因爲余言開封諸郡之綱領  
相國闔省之觀瞻幸今少憇無事亟宜鼓倡以酌  
素願遂首捐千金鳩工庀材屬憲副爾調胡公董

其役以胡公有幹濟才曾令汴今亦寓汴故以鉅  
任畀之又方伯文侯徐公偕余多方勸導巡梁憲  
副繹堂沈公暨諸監司以下遠邇協應樂輸有差  
蓋眎前則爲因而眎後則爲創無願不滿有開必  
先其福德誠不可思議粵考舊記茲寺之初修或  
受命于王朝或徵力于數郡或際民生之蕃庶或  
經歲月之綿延獨我公以聖賢心行豪傑事果毅  
迅勇具大智力是以舉于百年不能遽起之鴻工  
而一朝鼎建殿之高五丈廣九楹棖題輪奐龍象  
莊嚴其雄麗較倍昔日都人士女繽紛雜遝莫不

聳然敬躍然喜焉余因憶茲寺全盛時燈燭之焰  
上達層霄鐘梵之音遠聞數里黃幡丹幢臂繫而  
首載香纓寶珞鞞擊而肩摩此皆余之所及見聞  
者不旋踵而感慨係之今得我公奮焉經始遂告  
成不日卽瑜伽之建寶塔百鬼助以日工雀離之  
起浮屠四天扶其夜力似未有若斯之神近者僭  
曰佛力之所默佑而何一非我公福德之所遠屆  
哉從此城隍再奠節府重開儼然復覩東京之盛  
端于是焉啟之至若茲寺之複閣迴廊三門雙墀  
更可拭目以觀厥威矣上以鞏

皇圖而下以造黎庶我公爲國爲民之至意有深蘊  
千佛教之外者是不可以不記肇工於順治辛丑  
七月之朔落成于九月之望仍題爲大相國寺從  
輿志也其監作助工諸姓氏則書之碑陰

胡士梅相國寺創建放生堂碑記云乾竺鄒魯之  
教幾中分震旦國兩氏弟子樹幟角勝老死不相  
往來而儒者立說復思人其人火其書並掃瞿曇  
氏之教歸之烏有然終唐之世浮屠之刹日益盛  
歷五代而宋而元而明千餘年其盛不少衰衰矣  
無難輒盛則儒者亦聽之而已今大中丞賈公以

祥符縣志

卷十二

祠祀  
寺觀

十一

誦法鄒魯起家鎮撫中原之三年勸耕耘脩文事  
躬節儉禁宰殺大梁遺民流離而散處者收魂魄  
歸里井近且烟大萬家漸復古名都會公讀禮之  
暇過相國寺遺墟憑弔徘徊不勝象教淪沒之歎  
適大司空瀛洲劉公方伯文侯徐公及諸君子雅  
有同志多方勸募共襄厥事取梓材陶瓦之沉河  
伯宮者復相國舊觀仍以竹頭木屑闢寺西隙地  
置放生菴鳥革翬飛莊嚴世尊像南面巋然稱相  
國附庸云菴埽百步許復鑿一池雜樹槐榆檉柳  
青翠無炎埃公出俸錢日市禽之塌翼者獸之折

足者兔離網羅近刀俎者置豐草長林間鱗物之  
點額暴腮困于豫且者縱之使悠然一泓清水中  
或且曰公既誦法鄒魯矣胡爲復問津乾竺余曰  
成湯解網固金人未夢以前事卽尼山之不射宿  
與子輿之仁釋鷲嶽者果與瞿曇放生有岐道乎  
他若放龜渡蟻瑣屑不勝書古今稗官家艷談之  
未嘗以迹近浮屠抑居下腮且羣言折衷于六經  
天地之大德曰生鳥獸魚鱉咸若雜見于周易尙  
書之文者亦在貝書未東之日也又何河漢于放  
生之舉乎若公者固合鄒魯乾竺而一之者豈如

兩氏弟子立幟角勝老死不相往來耶抑聞之剗  
胎殤卵麟鳳不至其郊由公放生之意推廣之種  
種胎卵濕化長養生成必旦有音中笙簧之鳥不  
食生物不踐生草之獸飛啄寢訛於郊圻者以彰  
公仁民愛物之德意姑俟於他日驗之舊志  
阿思哈重修碑記云河南相國寺創自北齊初名  
建國唐睿宗始易今名歷宋金元明代有修葺洎  
成化間有改名宗法後爲河水淤沒

國初中丞賈公重修仍稱相國寺溯自建設以來迄  
今千二百餘年天下寺院之古於此爲最余於乾

隆癸未來撫是邦距賈公甫逾百載而寺已坍塌  
殆盡僅存大殿藏經樓亦頽敗不整佛像傾欹僧  
衆止棲息於放生堂數椽餘成荒圃半爲水窪過  
者低徊久之未忍去竊惟封疆大吏承

天子命責重旬宣如何休養生息如何飭紀振綱於以  
布宣

皇仁勤求民瘼事非一端枚不勝數若夫祇園蘭若非  
壇社城隍比不在爲政之列守土者所弗暇及也  
初豫之士民以修相國寺請余固拒不之許旣三  
年時和歲豐政事粗理小民漸知安業而寺僧乃

祥符縣志

卷十二

祠祀  
寺觀

十二

在外稍稍募捐或有以茲寺隙地甚廣宜建各郡  
行館以資憩息爲言蓋兩河遼闊自監司刺史以  
下牧令百有餘員分隸其地皆嘗糾繩識別量才  
而用之故捧檄至省者往來不絕也省中旅店湫  
隘旣困於館人之居奇復龐雜於市肆中行館之  
設未嘗無益况使寺基不終廢棄而工費又計歲  
分輸事尤易舉遂躉其說或又以周遭各設公廡  
則居中殿宇曷可不新且募項已有成數余旣嘉  
行館之有裨於政體是修寺之舉宜未可愒置因  
以入告仰荷

聖恩給帑萬金以勗其成於是通省官紳士庶踴躍樂輸子來恐後寺工遂有成局經始於丙戌四月訖工於戊子十月寺以內爲山門爲鐘鼓樓爲接引殿爲大殿爲羅漢殿最後爲藏經樓以觀音地藏二閣副之西院各配殿以及戒壇方丈哀焉大備洵中土選佛勝場矣各郡行館同時告竣星羅碁布次第秩然官之來會城者各甯厥宇奏成之日蒙

欽賜碑文扁額鎮法界而昭治理非千古盛典歟於戲事之廢興雖有定數而緣起之故亦非無因相國

祥符縣志

卷十二

祠祀  
寺觀

十四

寺本無裨於地方苟非行館之設足以衡人才考庶績通達民隱策勵官方以成寅恭之美安能佛日重輝以永休光於勿替哉是役也汝州牧莊鈞儀封令王績武陟令張德履分任之而經營謀度始終蕙厥事者則祥符令沈之燮之力爲多例得並書是爲記

續

陳浩祗園小築詩序云乾隆三十一年夏四月

上諭河南撫臣之請

命以帑金萬兩重修古相國寺落成之日復頒

御書匾額

御製碑文上爲

聖慈祝釐下爲豫民祈祐而

訓勵臣工之至意尤加切焉四方來觀者日數千人咸  
仰

聖天子仁孝誠敬久道化成登春臺而躋壽域歌舞徧  
於康衢矣寺西有別院日祇園小築蓋以廟工之  
餘力成之者其中亭池樹石之勝爲前此所未有  
而灑掃蠲潔門戶常扃亦非往來游跡之所得至  
祥符令沈君蔭園時董其役以所記園中景物屬  
爲賦詩記之

續

祥符縣志

卷十三

祠祀  
寺觀

十五

常茂徠相國寺紀畧云此寺舊基周圍五頃四十  
畝南至祥符縣治東街北至鼓樓西街東西至兩  
馬道東馬道北抵鼓樓西馬道鄰縣署馬廄四周  
紅牆牆外周遭溝渠於寺內陰溝俱會於寺外東  
南流注蔡河前有過街兩坊俱石座石柱上爲飛  
簷斗拱東坊日中邦福地西坊日梁苑香林字俱  
金飾作陰文突起街北大照壁壁內牌坊一座一  
高兩低瘦削如三峰高聳

御書勅修相國寺五字陰文突起坊內石獅一對東西  
兩掖門八字大閃牆俱水磨細甃壘砌黃土塗飾

正中向南大門五間中一間開九釘九帶由大門而二殿而正殿而八角殿而藏經樓俱廢山轉角飛簷四出院中宏敞角路三道立甎作斜紋青石夾砌正殿以北俱黃綠琉璃瓦椽題上簷瓦俱有立佛一瓦一尊大門朱戶紅花塗牆正中供彌勒佛雨壁哼哈二神將彌勒龕後向北當門關聖立像過大門東西銅鼓石基高三尺許四面飛簷上下丹塗銅鐘高約八尺萬餘斤鼓圍約丈餘正北爲二殿五間中門三開雕花榻扇紅花塗牆內供接引佛東西兩壁坐風調雨順四大王向北當門

供韋馱殿外東西兩掖門與大門同過此則北有正殿七間中五間開重簷覆宇榻扇雕鏤極工巧簷端有

純皇帝賜巡撫畢沅福字匾曰大雄寶殿內供佛像龕上

匾曰古汴名

純皇帝御筆也殿後向北當門壁上畫觀音大士像高丈餘筆極奇古惜漫漶僅餘欸識關中王席珍敬寫七字殿前石臺基高五尺周遭及月臺俱白石闌干月臺三面及殿後向北俱青石階級正南階離龍盤繞殿前東西兩配殿遙若朝拱各五間石基

高五尺廣廈修簷下有闌干東殿供日生佛匾曰  
心鏡無塵西殿供彌勒佛匾曰眞實不虛大雄殿  
北爲八角殿俗呼八角琉璃殿身石基高五尺  
附簷周遭遊廊下安雕闌南北兩門當門俱供佛  
像向南當門立佛一尊進內東西旋轉迂迴周折  
左右羅漢五百尊形態如生中一院大約三四畝  
當院中八稜亭聳起高出四圍之上內立四面千  
手千眼佛高丈餘亭頂立金寶餅高五尺餘一周  
鈴鐸而南模一佛字大幾五八角殿外東西俱配  
殿大雄殿兩配東曰戒堂匾題皆大歡喜西曰齋

堂匾曰人天供養內一聯云世間惟有修行好天  
下無如喫飯難巡撫馬慧裕書簷下門北側木闌  
內一石幢刻尊勝陀羅尼眞言已漫漶可辨者遷  
其柩左驍尉公之柩於開封之祥符縣魏陵鄉及  
其母永安縣君趙氏云云元祐五年歲次庚午二  
月二十有六日立石八角殿後正北崇樓高起爲  
藏經樓下簷匾曰龍藏莊嚴上簷匾篆書藏經樓  
樓上有經數厨右有多寶佛塔一座八角十三層  
純木雕成嵌空玲瓏高約二丈餘左有藥師佛鐙  
一座高與塔等寺僧云藥師成道時火焚自身徧

體發出寶光如百盞明鏡照數百步西壁塑老夫  
婦二位像卽俗說所謂相公相婆也樓外四周雕  
闌下層周遭修廈如遊廊俱有石闌干樓從下臨  
養魚池大十餘畝樓前月臺高六尺許石板爲闌  
月臺後有井一樓左右地上夾樓各爲高閣各三  
間閣前有院院前有門與樓勢若兩翼一色水磨  
雕甍東院門額曰甘露凝香西院額曰蓮鏡慧鏡  
兩門額甍上刻就人物雕空玲瓏工細與大門外  
照壁同藏經樓前東西俱有配殿式與前同東配  
供佛西配爲客堂自大雄殿東配殿北至藏經樓

東配殿自大雄殿西配殿北至客堂中間俱連綴  
以房廊一色雕榻客堂北側向西一角門過門路  
西有向南火神廟東牆而北西折至廟後北去數  
十步有門門外卽鼓樓西街一折而東至藏經樓  
後養魚池北岸路北正對藏經樓有

御碑亭亭八稜一色黃琉璃瓦四周飛簷簷角翹跂竇  
餅秀聳高五六尺內立

純皇帝賜河南巡撫何裕成詩碑亭前有垂花大門過此  
而東出門卽東馬道街又八角殿前西配殿北有  
過門門外數步路北大門一間匾曰心空及第巡

撫長白阿思哈書內有戒壇僧人傳戒所也過此門折而西北又過一門爲僧院正北佛殿五間月臺高五尺臺下東西兩廂俱是僧寮及茶房碓磨房西南隅兩門南通香積厨西通放生堂月臺東側一門匾曰清淨覺地門內卽方丈院東與戒壇相通香積厨房極闊大當門供阿那佛卽僧之竈神也鐳周圍約丈五尺蒸籠十三層緣梯而上木案長丈許闊六七尺放生堂在西隅門外路北外門一間題曰放生堂內養鵝鴨鹿豕聯云囿也而無殺機看魚躍鳶飛罔或戕乃物性舍之卽爲仁

術聽鹿鳴鶴唳各得全其天年過此而西出街門卽西馬道街又大門內鼓樓北側向東大門一間公寓大門也爲過往冠蓋宿止之所進內向南二門三間二門內東西兩旁俱玲瓏石堆作山景鋪石子作甬道內間以高低碎石宛如山徑正北穿堂五間四周飛簷面面櫺窗後有正室五間再後爲寢堂俱簷瓦圓脊修簷廣廈玲瓏榻扇穿堂東南依玲瓏山北有方亭一座四角曲柱下爲雕刻木闌亭後自南而北一帶遊廊前俱雕簷內塗粉壁上啟牖或作便面或爲方勝俱水磨細甗雕

鏤各色花卉穿堂西俱作四尺方牖牖內或作海棠花式或作梅花式接至西山之北依西山傍一門上題祇園小築過此則有玲瓏大山下開曲徑以便登眺山頂一方石刻碁秤四面各有石墩南臨池作秋葉式壘石爲岸池西精舍三間廣廈修簷由山之東脚下向南石板橋橫亘池上過橋當道立一石高五六尺猗猗奇古勢若迎人石後一帶遊廊自下而高迤邐循池畔向西南抵亂山下出遊廊得一出亭高踞山頂亭外一立石約六七尺上磨尺許方面以便留題池北岸大山之北有

祥符縣志

卷十二

祠祀  
寺觀

二十一

妙香閣五間橫亘南北重簷飛廈四面櫺窗周遭林木登閣南望可以徧攬山水之勝此皆嘉慶初年景象也自後日見彫敝又數年復改公寓正門於相國寺街西其中堂廡半非昔日雅觀又自道光二十一年河決因拋甌石護城輦玲瓏山石及寺中石闌俱投於水奇峰峭壁爲之一空寺地淤沙三尺餘廊廡亦漸頹敗周遭紅牆俱變爲市廛民居

御碑亭又於咸豐元年六月二十一夜被迅雷震倒碑

斷數節地基復爲人侵占無過問者

續

相國寺在府治東北大甯坊本齊建國寺天保六年創建後廢唐明皇天寶四載建資聖閣東塔曰普濟西塔曰廣願眞宗咸平四年增建翼廊三門前樓迎取潁川郡銅羅漢五百尊置於閣上元豐中增建東西兩廊又立八院東曰寶嚴寶梵寶慧林西曰定慈廣慈普慈智海金元兵燬明洪武初重修置僧綱司於內而併南其大黃景福三寺入焉

按相國寺自乾隆時重修後規模遂狹爲旁有行館也阿碑陷藏經樓後壁上臨放生池地僻人跡

祥符縣志

卷十二

祠祀  
寺觀

二十一

罕至故常記未言及道光二十七年祥符縣修葺前後各角門門牆粗具無復昔日宏麗同治八年官又修補臨街舊有紅牆一道今易甃牆東西約長丈餘中開紅門牆內一片草萊碎甃縱橫公寓遭水後逐歲傾頹祇存荒園一區行館俱無考矣  
慧林禪院在相國寺東俗呼鐵佛寺卽相國寺禪院  
明季河水圯

國朝順治十六年左布政使徐化成脩

徐化成脩慧林禪院碑記云自昔如來立教特重結界一事其制高不在山下不在隰土不附沙石

不附陶別於平原穿取地五尺以下之土和以雪  
山白牛之遺及旃檀爲塲其用意蓋在百世之後  
慮至遠也然而蕪垣頽礫四大爲患究在不免雖  
佛力有不至焉辟之商人十有三遷不免麥秀周  
人考卜宅鎬不免黍離自古然耳大相國寺之禪  
院有八其一爲慧林者茲何以名也佛法戒而定  
定而卽心卽佛而非心非佛經云佛成正覺普見  
一切衆生無不具有如來慧智始而轉四諦法輪  
所以攝有學也終則示一乘心卽所以契圓寂也  
一源通而萬派分一炷然而千燈照慧之爲林也

祥符縣志

卷十二

祠祀  
寺觀

二十一

溥矣爰有諸佛以像而名猶之玉相金身金玉可  
以佛木叅石悟木石亦可以佛也慨自黃河淪沒  
以來蕩成巨浸舉璇題碧甃鱗次翼舒者俱化爲  
黃沙白草余膺

簡命藩此中土興廢舉墜蚤作夜思凡可以庸觀望而  
昭象教者鱣鱣焉惧有弗逮泊大中丞賈公有事  
於寺余力襄之亦旣殿宇巍峩輝煌四映矣惟是  
八方比邱一杖一孟卓錫茲土者無不願給孤獨  
園于祇樹之下此慧林禪院之所宜建也余用是  
鳩工而於役也考卜於黃華月之吉蓋三越月而

竣事佛像莊嚴正大宗也列伽藍韋駝諸聖崇護  
法也棖題輪奐爨室糗房靡不森鮮倍昔都人士  
女繽紛雜遝咸欣欣以爲改觀矣是役也視前則  
爲因而視後則爲創問其經費則仕祿之羨也考  
其程事則身爲值日爲省也是亦一像教矣於戲  
教之不絕如來開示之菩薩闡揚之四衆護念之  
大地山河隆替相仍而傳持不息者卽此西方大  
聖人而爲正楹之見在釋迦牟尼是也將見大乘  
法器于是乎在則院不僅爲大相國寺之附庸而  
已僧有萬甯者善說法俾之焚修萬甯必有以爲

祥符縣志

卷十三

祠祀  
寺觀

一二十三

是院重矣後之人遲之歲月而漸次加葺亦如來  
結界之一助云相與援筆而壽諸石

祐國寺在縣治東北晉天福中建於明德坊名曰等  
覺禪院宋乾德二年遷於豐美坊卽今所也慶歷  
元年改爲上方寺內有鐵色琉璃塔俗呼爲鐵塔  
寺天順間改今額明末水患寺廢塔存

國朝順治二年左布政徐化成捐修乾隆十五年

巡幸中州奉

旨增修

勅賜名甘露寺

宋王嗣宗遷寺碑記云夫聖人之妙用必本於清淨聖人之至行必存於教迹雖元黃並列覆載之體不同而水火交馳化育之機一致自淳元浸散道德下衰嗜欲熾而奔競繁功利騁而仁義缺揭日月者既患昏衢之翳鼓橐籥者更嗟蘊界之塵邪山厚而智種蟠芽苦浪深而性珠匿耀不有啟發孰救沉淪金容一夢於漢皇玉偈遂流於中夏教之盛者其誰與京花嚴經云佛成正覺普見一切衆生無不具有如來智慧但以妄想執著而不得證如來愍之於是發大誓願放大光明始則轉

四諦法輪所以攝有學也終則示一乘心印所以契圓寂也其間張定慧顯權實性相雙列空有文證隨機設教靡遺於巨細對病施藥甯差於淺深一源通而萬派分一炬然而千燈炤躉夫慈救之旨可謂至矣善誘之利可謂備矣後之學者實繁有徒何代無人以幹法蠱則斯院經始麓得而言後唐故明悟大師賜紫惟課甌閩之良族也籍本溫陵俗姓林氏生既殊稟幼且不羣殆至成童卓然秀異每或出侍遊覽必曠望岑寂若有所待也入承訓教必凝澹窻戶若有所奉也舉止閑雅爲

宗族所異一旦辭親慨然有脫灑之志年十三詣  
泉州仙遊縣龍華寺文璫禪師以祈落髮師從其  
願俾奉灑掃年十七受具於福州白塔戒壇師神  
形清爽心機穎悟初讀法華經豁若生知次閱因  
明論宛如宿習自爾博訪講習遍禮道場不五六  
稔大有領悟遂振錫遊名山禮諸祖叅勝會扣元  
關了然默識密契心要北遊岳麓靈感非一以長  
庚寅歲憩於大梁之精舍暇日躡屨至明德坊  
睨隙地數畝乃嘆曰有爲之法逐境而遷無定之  
波遇坎則止吾其少息焉遂有解履之興因以厥

祥符縣志

卷十二

祠祀  
寺觀

二十五

志募諸檀信善願冥契如谷嚮答曾未周歲資用  
充美乃書券而易之於是購材鳩工揆日興事始  
則一室蔽風雨終則百楹極壯麗玉質金相再稔  
而成爨室糗房繼踵而出亦爲當時之勝概也晉  
天福初以精誠上請遂賜額焉紫服美號翌日加  
錫旌行業也於是富門大族率多相矚捐金施寶  
曾無虛日師曰吾以一餅一衲植足皇都經之營  
之亟喻素願乃緣合歟吾當廣作佛事以利一切  
且以答檀施之惠也於是首寫大藏經總五千四  
十八卷飾秘藏以實之次塑畫羅漢像各五百軀

闢華堂以列之正殿之內塑釋達像泊侍從賢聖  
總九軀繪塑之妙率爲一時之奇觀也院之營構  
自唐長興辛卯逮漢乾祐戊申始卒十八年經費  
數千萬虹梁藻棟總成三百間圓頂染衣度踰二  
百衆匪師之力曷至是哉師以周顯德丙辰歲春  
三月微恙遽作翌日加劇乃攝衣正念召門弟子  
喻以後事竟以其四月日示滅於方丈門弟子升  
堂者三人長日智覺大師賜紫從琛早終次日讚  
正大師賜紫從瓊季日明演大師賜紫從瓌皆名  
流也瓊公以素膺肯構允謂當仁爰於曳杖之秋

祥符縣志

卷十二

祠祀  
寺觀

二十六

上稟傳衣之命兢兢幹事不墜清風迨我皇朝乾  
德癸亥歲錫以命服旋加美號獎舊德也是歲季  
冬之令月國家以皇居狹隘載拓基垆斯院所居  
正該卜築於是詔遷淨衆於京城之北賜隙地數  
十畝俾結界而居焉仍以舊額旌之卽今豐美坊  
之西北隅也瓊衣衾之外悉以營材糗糒之餘罄  
將募役斧斤交運板築連施剗斲之伎靡停繪塑  
之工間作督藏忘倦卒覩成功比之舊規諒無慙  
德紺殿中寺迴廊四周危樓接影聳於前虛閣飛  
甍壓其後禪堂四闢爨室東開聖像雲攢經龕鱗

北殿五間月臺下甬道左側有井一眼味甘潔殿內正中立接引銅佛一尊高丈六尺極奇偉北宋所鑄此殿不能穿通由東西兩掖門入殿後向北正中簷下陷石一方高二尺七寸濶一尺三寸五分上半鑄觀音像下半鑄陀羅尼經洪武三十一年立正北大殿五間廡山轉角上覆黃琉璃瓦與前各正殿同內供天佛三尊當中一匾題華嚴香海字皆銅鑄厚三分許

純皇帝御筆也兩壁十八羅漢跌坐龕內像俱木胎殿外月臺盡處左右有石龍頭四出臺尺餘張口向南

祥符縣志

卷十三

祠祀  
寺觀

二十九

以洩雨水兩廂配殿俱碧琉璃瓦崇簷廣廈佛像半皆鐵胎或木或石各殿俱彩雕榻扇殿後門正對鐵塔塔八稜十三級高三百六十尺宋仁宗慶曆時建以鐵色琉璃甃砌成每甃模佛像或羅漢或飛禽走獸四圍簷甃俱模宿州字傍又有土主吳靖字倒讀成文未解何義又每級間以鐵甃中鑄佛像兩傍有字高不可辨塔座下八稜方池北面有小橋過橋由北洞門入盤旋而升如行螺殼中極頂盡處坐鐵佛一尊每級俱有門戶當門壁上俱陷黃琉璃佛一尊高約三尺洪武二十九年

周藩造共四十八尊壁上題敬德監工重修當是周府內使名俗以爲尉遲敬德誤也塔右自西而北復折向東一帶廊廡約二三十間圓脊甬瓦四面飛簷內外櫺窗西房後是馬道北房後是土山及玲瓏石山聯絡至東院閣後寺東爲

行宮

純皇帝駐蹕所也與寺北鄰向南大門五間進內穿堂兩重左右廊廡一色雕闌畫檻後有高閣上下皆彩雕榻扇左右僧房俱是廣廈閣後有山俱宋時艮嶽花石綱遺石堆成山側有亭亭下有池迄遷而

祥符縣志

卷十三

祠祀  
寺觀

二十

面與塔後土山相接樹木花果俱備寺西鄰信陵君祠大門三間左右兩廂正殿三間祀信陵木主配以侯嬴朱亥萬曆十九年布政司左參政李維楨創建並自撰碑記此皆乾隆十九年重修後景象也迄今歷百餘年所謂鐵塔寺者惟後大殿畧經補葺兩配已非昔制風剝雨蝕日見敗落兩方亭亦漸圯僅塔與銅佛巋然如故佛竟露立雨浸日曬成鐵色餘則片瓦無存盡爲斥鹵廢地僧居敝屋鐘臥土邱碑碣又爲道光二十一年河水圍汴拋甃石護城半投於水信陵祠亦無存塔下八

稜方池墊爲平地

續

天王寺在城北安遠門外元至大元年建內有藏經閣明洪武二十年修嘉靖十二年重修明季河水淤平

國朝康熙五十八年開封府知府徐而泰重修道光十二年河督栗公毓美巡撫桂良公重修明左國璣藏經閣碑記云佛宇凡堂後有閣閣藏其言蓋五千四百八十卷焉浮屠何因而藏其言耶彼見吾儒者之道自堯舜禹湯文武周孔相延而來者其書一遭秦熾幾至不振幸而藏於山巖

祥符縣志

卷十二

祠祀  
寺觀

三十一

屋壁之間者乃出於旣燼之餘是故其徒亦惴惴焉思以保其言於不墜乃相率而爲之閣以藏之然又豈不私相謂曰彼儒者之道爲天下綱常倫理斯民日用生養之計秦猶惡而焚之矧吾徒之所講者尤閎闊高大入於虛寂而不屑屑於日用生養之務有不吾忌焚之者乎吾徒又敢帖然自以爲天下方奉信吾道而不爲之所乎是故陸海之內窮僻險絕之地地無不寺焉寺無不閤焉幸其有藏而獲存者茲其所用之心嗚呼傑人不作習謬踵弊二家之藏其可信乎吾聞上古聖人以

元默恭己而天下向化佛氏闡教亦不立文字而直指人心以見其性今藏之閣者有五千四百八十卷以惺悟後覺開誨羣生此所以馳華軒而涉要津於宇內者皆以言辭爲相競也習謬踵弊夫豈今日也哉雖然人不皆上智也教不皆無言也藏經於閣懼往者遠來者放也因言以識教因教以入道演法者所以待下士也茲閣也肇於元朝迨我明幾廢僧古峯禮於周定王王爲新嘉靖年間復壞義官李孟和僧道悅民張佐輩爲述先

請於今王王又爲發則興事孟和董之各

捐己資以協其工匠歲而閣告成左國璣乃述二家之意交感互激以所以告吾儒者以告浮屠氏使閣之藏得以爲人心之藏焉斯可矣豈特巍然而照輝於衆目者直爲霄漢之美觀也耶

舊志

常茂徠碑記云安遠門外五里許曰天王寺北枕大河地當孔道車馬輻輳蓋有年矣寺東徧舊爲僧寮下院廣不盈三畝有廊廡數椽得村居之樂無塵緣之擾冠蓋往來者咸悅其地幽且僻也送往迎來常以是爲羈息騶從所道光壬辰陰雨頻仍越癸巳甲午爾益甚浸漏日久遂致棟折牆頽

不惟緇眾無所依庇卽長官行李之往來亦無由  
憩息焉乙未秋栗河帥桂中丞朱方伯楊廉訪慶  
張兩觀察李郡守李邑侯僉議捐廉重修以候補  
縣尉王君作乂董其役諏吉於某月日鳩工庀材  
去舊易新朽者堅頽者起丹青丕煥黝堊成施不  
數月遂蕝厥事僧告余曰是役也非諸官長之力  
不及此夫諸官長之道經此或數歲而一至其至  
亦歲僅數日非若郵亭傳舍必時日以爲常也乃  
不惜數十萬金錢經營此輪轅不恆及之地隱以  
爲僧眾謀衣鉢之安非能布功德而寓於不言者

不若是也區區一僧舍而猶必著其功德由此而  
推其功在斯人德施眾庶能相安於不言之表者  
又豈有涯涘哉然則諸公之功德誠不可不壽之  
石而其所宜壽之者非獨見功德之在吾僧人抑  
亦卜其實能慰閭閻而隱以錫之福也余聞其說  
而善之曰異哉僧人何見之深遠也因卽其所言

書之  
續

國相寺在城東南繁臺前又名繁塔寺五代周顯德  
元年建名曰天清又名曰白雲宋太平興國二年  
修明洪武十七年修改今名正德十五年重修明

季河水圮

舊志

國朝康熙二年巡撫張自德重修雍正十一年居民李  
爲淦等重修中殿

宋陳洪進助修繁塔記云伏觀繁臺天清寺建立  
寶塔特發心奉爲皇帝陛下捨銀五百兩入緣右  
謹稽首刹土如來恆沙菩薩竊以繁臺真境大國  
名藍六洞靈仙曾留勝跡九層寶塔近立崇基洪  
進頂戴睿恩耳聆厥善合掌爰遊於妙域傾心特  
捨於中金伏願舜德巍巍等乾坤而共久堯風蕩  
蕩播寰海以恒清今因捨施和南謹記太平興國

祥符縣志

卷十二

祠祀  
寺觀

三十四

三年三月日弟子平海軍節度使特進檢校太師

陳洪進記

增

明李夢陽重修國相寺碑記云國相寺繁臺前寺  
也臺三寺後曰白雲中日天清塔斷而中立有鸛  
巢其上戛戛鳴按夢華錄繁臺寺一耳亦不言其  
地之盛嘗聞之長老曰寺一耳而三其教中教之  
講僧玉色褊衫後教之禪僧深褐褊衫前教之瑜  
伽淺褐褊衫而寺遂三後有白雲閣於是號白雲  
寺中有天清殿於是號天清寺前有國相門於是  
號國相寺寺分勢孤時遷世殊於是崇者頽而下

者蕪僧闖教汗庸師惡徒于是樹石盜亡損破鳥  
鼠穢之往來羊猪寺非若能主矣又國初剷王氣  
塔七級去其四崩齧幽窳狐狸魑魅昏嘯陰啼僧  
席未暖業逃去而善彬者國相僧也乃奮然興曰  
寺時世廢耶僧廢之耶於是守一清修年七十餘  
步詣戒壇受戒寺得不土平者彬之力也汴城以  
水湮故諸古蹟茫然蕩然獨斯臺巋然峻峙可遊  
遊者挈醪榼載吟筆花晨月夕雪驢風馬無不叩  
彬門者斯足知彬也正德間彬葺其殿閣門樓房  
廡而百戶趙越等助之涅像按舊碑宋太平興國

問建今洪武初僧古峯新之相去四百餘年迨彬  
又百五十年而空同山人爲記

李爲滄繁塔寺開山記畧云汴之東南有繁塔者  
其來久矣而繁塔之有國相寺則開山於桂山和  
尚明末河水灌汴塔旁殿廡俱圯

國朝順治二年桂山偕具徒孫明孺朝五台道經塔下  
見塔甚奇古慨然曰是必當年名刹惜今廢矣爲  
留連者久之時巡河使者浙江方公大猷遇桂山  
而奇之留住塔下後洞閱一年轉前洞又二年屯  
田監司胡公知桂山苦行命之墾荒遂墾田四頃

接待往來僧眾塔之東有吹臺亦勝地也明時改碧霞元君二女仙祠俗呼二姑臺嗣又改禹王臺時亦圯廢桂山遂募資於其地創草殿三楹以奉香火六年募方公修塔前寺建後殿中殿及開堂放參等處康熙七九等年方公批給明儒印照令其開墾明儒遂墾大興莊無主荒田二頃有奇桂山又募巡撫張公自德修禹王臺及塔前寺山門鐘鼓樓韋陀殿伽藍殿觀音文殊配殿既落成額之曰國相寺桂山是秋八月初三日圓寂桂山姓趙氏廣東人名行連字不染桂山其號也明萬曆

己酉舉人以軍功改武職累官山海關副總兵擢廣西總兵崇禎戊寅祝髮於杭州之天童山歷主正陽關塌坊寺壽關北禪寺後至繁塔云康熙五十二年八月立石

乾隆十七年巡撫蔣炳諭開封知府邵大業祥符知縣蔣希宗將繁塔寺禹王臺僧眾田畝大戶物料車馬襍差永遠全行豁免勒石紀之

濟陽艾元徵重建國相禪寺碑記云汴城之東南三里許巍然獨峙者繁塔也有國相天清白雲三寺相鼎足其間興廢盛衰不知凡幾每經修葺輒

示靈異非僅祇園勝境誠一郡 氣所關也慨自  
黃流肆虐中原陵谷變遷攬轡而至者惟見黃沙  
白草昔之烟火人家如晨星在天厯厯可數巖巖  
雉堞悉沒地下間有存者高不踰肩惟繁氏一塔  
屹然而立與良嶽峯遙相拱接而國相三寺已蕩  
然無可問矣

國朝康熙七年大中丞張公自德方伯徐公化成銳意  
興造自衙署城池芹宮祠廟與求賢講武之地或  
創或因審宜度勢躬親區畫日月省試上不費公  
下不勞民未再期而諸工告成復與同力諸公卽

祥符縣志

卷十二

祠祀  
寺觀

三十七

繁塔之岬立者尋其旁之故址乃知吹臺之蹟未  
泯國相之基猶存也念司馬之秘思雖邈七賢之  
遺鄉堪追斷碣殘碑未盡滅沒方伯諸公因言于  
大中丞之前曰夫制禮作樂所以移風易俗也獨  
不可與三藐五印並講之耶於是中丞公爲首倡  
諸公合力以助崇其三殿纏以黃金前禮釋迦中  
開接引後建昆盧合三寺而一之統額之爲國相  
禪寺四大諸天煥其山門伽藍大士新其兩廡中  
翼一亭以韋馱尊者永鎮北祗仰觀七級挿漢一  
線摩雲向之突兀難攀者今則磐石超距矣朔望

之夕千燈一炬光照十方若法藏香積鐘鼓梵唄  
之屬各有位置又置香火田用資焚修輪奐聿新  
龍華重麗遠近士民無不焚香頂禮俯仰咨嗟僉  
謂桑田滄海之餘不意復見精藍寶刹之盛如今  
日也因憶東漢以前本無佛法自白馬東度教始  
行于中土於是赤縣神州皆知西方有大聖人其  
道則以空爲體以慈爲用言乎空則妄念不生言  
乎慈則殺機胥泯苟在上在下者皆法之以自淑  
淑人又何俗之不美哉且世風日降人心不古人  
有不畏禮義者斷無不信禍福釋氏旣動之以禍

福復誘之以懺悔一任强悍者流但聞劍樹刀山  
未有不惕然心動者其引人之脫離苦海登諸慈  
航也用心亦良苦矣古聖人以神道設教豈無故  
哉記曰修其教不易其俗齊其政不異其宜貴因  
也此地向旣有寺因而寺之不亦可乎豫居天下  
中汴又居豫之中風氣隆替八郡以之惟願來斯  
寺者禮佛之像卽遵佛之教但務悔過向善之實  
莫侈香花供養之文將見人皆忠厚世盡敦龐實  
與中丞公之道德齊禮相輔以有成也其功豈淺  
鮮哉予適奉

二尺四寸一刻金剛般若波羅密經一刻十善業道經要畧俱太平興國二年鄉貢進士趙安仁書第二級向南洞內東西壁亦各橫陷石六方各丈三尺高二尺六寸刻大方廣圓覺修多羅了經太平興國七年立不著書者名玩筆法亦安仁書二級向北洞內東西壁俱刻修塔捐施助緣人等姓名第一方平海軍節度使特進檢校太師陳洪進捨銀五百兩並撰記內有六洞靈仙曾留勝跡九層寶塔近立崇基云云未紀太平興國三年其餘記捨銀捨金捨錢施甄施石灰施車施牛施

人工施粳米施菠蔞施羅蔔施公服衣物施佛菩薩及各省州縣修塔會等人三百餘名或紀太平興國七年或淳化元年石共九方塔係內外出入盤旋而登勢極危險此洞又在塔之陰面爲自來登臨者所不至故空同不及見也故意度爲七級剝去其四又塔內東西磴道上額石俱刻字記捐施各人等姓名有紀太平興國七年正月五日者有紀七年壬午二月五日者凡一百五十七方俱有題名塔後向北有門橫書國相寺後門五字後門西有名撫報功褒忠祠合祀明以來于忠肅公

等三十九木主及有功於民開封知府周爻等十  
四木主與歷代忠節關龍逢等一百六十九木主  
道光十四年創建巡撫楊國楨撰記東有兩程夫  
子祠卽明之大梁書院也今爲兩程祠向北大門  
一間豎牌一面書兩程夫子祠進內二門一間正  
殿供兩夫子木主東西兩配殿祀先儒木主五十  
一位東階下有天啟二年重修碑記提學陳騰鳳  
撰集褚遂良書後爲啟賢祠內有天啟二年分守  
大梁道王域呈請重修大梁書院詳由刻石今名  
撫三祠均歸二程書院經管祠內立有碑繁臺東

去一帶土山舊之亭池橋梁基址猶存歷百數十  
步至禹王臺臺高三丈周百二十步向南正殿五  
間極宏敞祀夏禹王匾曰安民則惠楹聯敷土奠  
山川六府惟修殷庶土導河過洛汭中邦底績至  
南河巡撫姚祖同撰并書殿前兩廡前後俱覆簷  
遊廊櫺窗樸素簷角俱有南北界牆自正殿角與  
兩廡簷側連綴各開方門東西相望東曰五賢祠  
卽三賢祠本祀李白杜甫高適嘉靖四十一年巡  
撫蔡公增祀李夢陽何景明改五賢祠繼增高淑  
嗣爲六賢祠額仍名五賢開歸道長白麟慶匾曰

雅繼鄒枚楹聯云一覽極蒼茫舊苑荒臺同萬古  
兩間容嘯傲青天明月此三人內有嘉靖四十一  
年修五賢祠碑記李濂撰李綦書又有修禹王廟  
記嘉靖二年李夢陽撰左國璣書又有彭公時兩  
亭記鄧公撫安亭記俱正德九年巡撫陳珂撰按  
察使房瑄書西曰水德祠祀秦漢宋元明及  
國朝有功於河者二十二位正殿南有門一色水磨細  
甃門外左右鐘鼓樓再南爲  
御書樓匾題功存河洛

仁皇帝御筆也重簷峻宇極宏麗樓側迴廊環繞臺上從

祥符縣志

卷十三

祠祀  
寺觀

四十三

院外周遭迤邐向北至正殿後有碑亭刻

御製五言律一首乾隆十四年

純皇帝筆也臺上四周花牆內外俱細甃鋪地出

御書樓向南下望階級壁立厯階而下級盡處木牌一座

書古吹臺三字

此後人附會爲  
之說已見前

坊東爲僧厨西爲

禪房各三間分列臺之兩傍夾階拱向去地二三

尺許坊外俱平地東西廣廈各三間過此則正南

大門三間一開兩閉南有照壁左右八字牆門前

鐵獅一對座下鑄宏治九年河南都司知印黃鉞

同妻馮氏爲祈祐童男黃大梁捨造臺舊祀碧霞

元君俗呼二姑臺後改祀禹王鐵獅卽當時爲碧霞元君捨造者此繁臺寺當日景象也自道光辛丑歲河決俱被水淤繁塔僅餘五六丈禹王臺存丈四五尺繁臺寺彌覺荒涼補修伽藍殿三間勢復狹小昔之大門俱成平地四天王埋土中僅露半身數年來風雨侵蝕時復剝落舊蹟淪沒矣

續

景福寺在城東四十里馬尾牆創建失考天啟五年僧

性安邑民張志仁修

舊志

明馬體元修景福寺碑記云景福寺者大梁城東馬尾牆之淨境也村距梁城仁和門四十里寺離

祥符縣志

卷十二

祠祀  
寺觀

四十四

向村中厥地爽塏而闐寂門三楹四天王居之正殿毘盧尊佛諸佛諸羅漢環拱之後殿本師釋迦牟尼尊佛左右石佛各高二尺許相傳掘自地下正殿後觀音大士坎向而坐正殿前伽藍祖師兩殿翼之祖師殿白衣觀音爲首座僧舍居其西旁寺址暨附田計畝十有二樹木森鬱村民左右夾居而拱其後橫寺門一洿池積潦非旱甚水不涸寺不知起自何代今皇上御極之五載歲在乙丑寺僧暨信士修葺之僉謂世代之靡涯也又濁河與鄰不無湮汨之可虞也宜勒寺蹟於石俾後來

有所據於是住持僧性安暨弟子徒姪海潮同信  
士張志仁等倡募善緣伐石爲碑求余記其概嗟  
乎佛法之行世也其日月之行天江河之行地乎  
孰翳其明孰闕其流竊窺今時之佛法殆似明實  
翳似流實闕微獨鐙籠佛殿三門一棒最上秘密  
罕有傳人卽止觀寂照戒定慧之機稱了了者亦  
罕焉雖然此人之不能行佛法非佛法之不可行  
於人也夫不見梵宮貝葉比邱禪那之殆徧世界  
乎又不見皈依頂禮讚誦布施之幾盡人世乎佛  
法廣大斯已見矣伏讀高皇帝御製三教論大哉

聖訓定萬世之宗教乎有曰其佛仙之幽靈暗助  
王綱益世無窮尤爲切至近世李卓吾長者屠赤  
水先生所著焚說鴻苞等書大闡茲宗余師种光  
居士鴻冥而抱密諦深有味乎茲宗則佛法固人  
人可行者哉當亦人人與能之矣余別業在寺左  
偏聞鼓鐘經咒之音願諸沙門持戒精進願諸檀  
那布施宏益更願十方世界修焚行者究竟六度  
俱足求大乘者得聞最上法門佛日爲之增輝法  
輪以之常轉同歸萬善共樂太平惟我佛菩薩以  
願力成之是爲記

南太黃寺在舊縣東北母寺保創建失考元季兵燬

明洪武十五年建志 舊

北太黃寺在縣東北陳橋保宋明道元年建元季兵

燬明洪武二十年修志 舊

酺池寺在縣西北七里太平寰宇記增

洪佛寺在城東北沙窩岡宋崇甯元年建明成化十

六年修志 舊

能守寺在城北五十里魯岡俗稱魯岡寺創建失考

志 舊

寶相寺在大梁門外五代唐長興元年建元末兵燬

祥符縣志

卷十二

祠祀  
寺觀

四十六

明洪武二十年重修成化四年河水圯志 舊

木魚寺在城南四十里宋時建年月失考金末兵燬

元至元元年重修志 舊

萬壽寺在城北明洪武元年建明季河水圯志 舊

興國寺在城西西和保明宣德元年建成化十六年

修明季河水圯志 舊

隆興寺在城東北晉天順元年建明成化十年修明

季河水圯志 舊

觀音寺在縣治東北新棚場街

國朝建年月失考志 舊

多福寺在城東北沙窩岡宋崇甯元年建明成化十一年修今圯

清涼寺在城東梳頭岡明景泰元年建天順二年修

舊志

開寶寺宋太祖勅建帝初造開寶寺塔得浙東匠人喻浩浩性絕巧乃光作塔式以獻每建一級外設帷幕但聞椎鑿之聲凡一月而一級成其有梁柱齟齬未安者浩周旋視之持巨槌撞擊數十卽皆牢整自云此可七百年無傾動人或問其西北稍低浩曰京城多北風而此數十步乃大河潤氣津

祥符縣志

卷十二

祠祀寺觀

四十七

泱經百年則北隅微墊而塔正矣浩素不茹葷求度爲僧數死世頗疑其異

談苑增

光彌寺一名十方院在東關外創建失考道光二十三年重修咸豐三年兵燬五年重修

續

孝嚴寺在城西北隅卽宋太尉楊業家廟也雍熙丙辰五月業死節朔方其子請改家廟爲寺以薦其父太宗嘉其孝詔可賜額曰孝嚴宋鼎南遷燬於兵明洪武二十二年僧本福重修

國朝道光間僧能海重修

明 王重修孝嚴寺碑記大梁城西隅有孝嚴

寺者宋太尉楊業故宅也業死節朔方其子痛之  
思仗佛力薦父願輸宅爲精舍祀古皇先聖而祔  
廟以祀父陳情於朝天子嘉其父能忠子能孝因  
俞其請而賜名孝嚴云宋墟寺亦毀所存於劫灰  
之餘者赤石焦梁而已復當河決沒於巨波菱蒲  
漸密而鵝鵲瀾瀾家焉我明洪武之戊寅年時有  
白足習公卓錫夷山相度斯趾四顧水天曰是亦  
汴中之一福地也因卽高坻之上翦荻誅茅募金  
構復其舊規闕大之一日語其徒曰此地厯劫  
殆盡天假法緣共成闕宇後當無水火之虞三百

祥符縣志

卷十二

祠祀  
寺觀

四十八

年後自有大力主人普宏功德者吾言其識也語  
畢坐而圓寂聞者莫不異之其徒丐文人紀其事  
於石迄今可拭苔闕二百餘年吾藩內鄉王復倡  
宗人重修頗增壯麗然距今復近百年不無阨陁  
之漸寥寥數衲法器蕭然無能爲習公者余悉其  
狀飭董者鳩闕百廢畢舉丹堊金碧輝映莊嚴旛  
勝薨標跂翼霄漢視曩者又爲增勝矣是役也始  
事於萬曆四十三年二月初六日告成於本年九  
月二十一日闕襄闕爲長史陳嘉俞請予一言以  
紀之余惟光開金鷲妙香散於闕浮法轉青鴛

諦流於淨土於是山藏靈宇地起香臺莫不正象  
苾芻欽宣貝葉恒河沙岸難希不舍之檀祇樹金  
園縱出給孤之賜惟人發念於佛何心余嘗思國  
家斟酌百代捐益時宜而獨不擯沙門崇其教闕  
毋亦冥機可契裡享是資故余每於此方列刹他  
境支提莫不更爲爽塏不忍聽其傾頽况茲孝嚴  
尤根左勝在形家則謂大梁乾兌之方利茲重闕  
比邱則謂吾祖衣鉢之傳藉茲永膺在余則以爲  
忠臣孝子之心不可泯滅故奠空山之宮並存太  
尉之廟懸其未備以俟將來惟祈佛日昭明千闕

祥符縣志

卷十二

祠祀  
寺觀

四十九

花之五葉默使皇圖鞏固萬年茂若木之九支若  
云捐資旃那妄希闕果沽名檀越勉應讖言則豈  
足以知余也哉是爲記增

按孝嚴寺

國朝重修無考道光年間寺圯幾盡有浙僧能海爲廟  
祝募資修葺規模壯麗地遠廛市極幽靜寺前多  
樹夏日佳蔭青葱人多就之避暑寺東里許有楊  
氏廟創建年月失考巡撫楊國楨重修祀業妻配  
以業之子女卽俗所謂余太君也業妻氏折北方  
讀折音如蛇至

今猶然委巷小說  
以余當之誤矣

孝嚴寺址本爲業故宅今易以

佛像余氏祀此蓋寺之祀業在昔則然今久廢矣  
無量庵在三元街口北東向

國朝建年月失考

志 舊

福慧庵在迎恩門外

國朝建年月失考

志 舊

湧蓮庵在城南蘆花岡

國朝建年月失考

志 舊

拈花庵在南薰門內

國朝順治十六年左布政使徐化成建

志 舊

袁禱如碑記云西土二十七聖人大旨一歸於空此

祥符縣志

卷十三

祠祀  
寺觀

五十

豈可以眼耳鼻舌求者哉胡然而香纓寶絡皆爲  
佛之所有又胡然而水火蟲魚久之皆爲佛患也  
當其燦然新也佛之存爲假存而愚者不必果敬  
及其頽然廢也佛之亡若真亡雖明者莫不感然  
哀之蓋佛未嘗如是以求人人自不得不如是以  
處佛亦如興世繼國非聖人欲然君子所以待聖  
人則然耳汴自黃河淪沒兵燹洊臻旃檀僅存鴟  
吻蓋三教之防俱潰矣大方伯徐公泣我中州惟  
時草昧漸開次第修舉百廢俱興公尤以佛子之  
慈心大仁人之施濟凡璇霄碧落之區爲之不遺

餘力會汴門南薰內有佛像在焉蓋得之黃流黑壤中而求香火於人者公惻然念之彼夫舍衛城中次第乞食是如來度眾生是眾生度如來未可知也爰是卽其地建庵以祀之而佛之靈妥矣顧庵以拈花名者何居殆有取於說法拈花之旨也間聞戒行清嚴者則佛獻花演宗秘妙者則天雨花又烏知今日之拈花庵匪卽他日之獻花室雨花臺乎庵規模宏敞法像尊嚴都人士女或哲或愚咸敬且近月逢朔旦耄稚爭謁燈燭之炎上達層霄鐘梵之音遠聞數里凡禮佛而生敬畏心者

祥符縣志

卷十二

祠祀  
寺觀

五十一

卽感公而生祝頌心悅哲以慧而給愚以養公將使二萬五千河流並入夫海其功德不可思議是公之爲民有深蘊於佛教之外者是卽西土二十七聖中之一聖也夫

舊志

準提庵在馬道街西向邑少傅劉昌建今圯

增

慈雲庵在城西北隅北向有康熙甲戌年碑文

增

增福庵在今貢院前東向大學士劉統勳題額

增

藥樹庵在今南門外創建失考

增

九華庵在今宋門外創建失考

增

青雲庵在今午朝門街東向創建失考同治十一年

邑候選知縣王春甲募資重修邑庠生賈翼宸篆額增

武安王廟有四一在安遠門內一在大梁驛西一在

麗景門內一在安遠門內卽今鴻影菴

府志

國朝重修祐國寺下院鴻影菴記梁自子輿一游仁義之化歷漢唐迄宋元灝灝穆穆醇古甲天下明崇禎之季流氛煽虐中原腹心之地蹂躪不堪者十之八九梁以省會眾心成城賊三圍汴決黃河而梁乃不可爲矣我

大清定鼎混一海宇凡省會重地俱以龔黃處之而周

祥符縣志

卷十二

祠祀  
寺觀

五十二

公以守梁稱最公當哀鴻集澤時百計招撫誅茅削屢成聚成邑梁民於是無家而有家矣當是時公於聽政之暇百廢漸興有心坤者禪那之領袖也公命築菴於禪寺下院而名以鴻影者以鴻行有序進以漸云爾夫詩之詠鴻雁也始曰爰及矜人哀此鰥寡終曰維此哲人謂我劬勞民當鴻驚匿影之始而公安集撫緩俾肅肅者變爲栩栩瞽瞍者變爲衍衍是詩也其公之謂歟

開封訓導王觀生記之周公名荃順治十年修鴻影菴而康熙十七年碑記云汴城被河水淤沒惟

此菴與游梁書院尙存據此似非

國朝所建附記俟考

按鴻影菴今在布政使署北路東西向其街卽稱  
鴻影菴口府志云一在安遠門內重修碑則云祐  
國寺下院兩說各不相符且安遠門祐國 皆去  
菴甚遠王記所云康熙十七年碑亦無存究之未  
知孰是姑并錄以俟考

石林法語菴在駐防營西門外康熙年間本營建

續

大道宮有二一在縣治西南隅明洪武二十二年建  
初爲祐聖觀正德元年勅改今額明季河水圯一

祥符縣志

卷十二

祠祀  
寺觀

五十二

在按察司西

國朝順治元年改建於永甯王府舊地康熙五十八年

巡撫楊宗義重修

舊志

按乾隆十五年建按察司署於大道宮宮遂廢

劉昌改建大道宮碑記云汴之邑舊有大道宮以  
祀北極元帝其規模宏敞壯麗與相國寺延慶觀  
相鼎峙汴之人焚香頂禮無問貴賤賢愚而帝亦  
福善禍淫時顯靈異厥後河朔一帶凡朝終南山  
者必先修醮於此稱爲一宮云明季壬午寇圍城  
六月餘汴人守死不拔寇決河水灌城遂圯而宮

亦沉泥沙中一時黃冠羽士或溺竄而勝蹟不復  
識矣我

朝定鼎汴人漸次復業而羽客康泗水舊嘗焚脩茲宮  
於順治初年亦遷故土悵然久之尋舊宮遺址幾  
不能辨有廢藩永甯府故基實在舊宮之北康與  
諸檀越低徊再三見厥土燥剛厥位面陽爽塏軒  
豁允宜神居乃請於當道創建今宮康志復舊跡  
跣足苦募立關數月股肉爲裂蓋己爲順治九年  
壬辰矣余率汴人醵金錢共襄其事鳩工它材以  
營建未落成而康殂聞者悲之厥徒守循能繼師

祥符縣志

卷十三

祠祀  
寺觀

五十四

志拮据經營幾十餘載首建大門三楹次建大殿  
五楹拜殿五楹二門三楹又建東配殿三楹西配  
殿三楹梓潼殿三楹最後建後大殿五楹前大殿  
繪元帝像而周公桃華則側而立也後殿則繪聖  
父聖母大二門內繪靈官四師東配繪江東王西  
配殿繪真官而梓潼殿繪梓潼帝君也道院庖湑  
及周繚垣無不完備工肇於順治九年壬辰竣於  
康熙元年壬寅其廟貌之巍巍丹堊之藻麗神像  
之莊嚴較昔又加一等矣落成之日汴人善拜佻  
徊咸謂茲宮雖因舊額而一瓦一木未仍舊貫此

固明神威靈有以聳動人心而康侯師弟募化  
勛功亦不可泯謀鑄諸石以誌不朽徵記于予謂  
禮有爲民捍大災則祀之禦大患則祀之况帝居  
南鎮北福國庇民尤超尋常萬萬者乎至康侯師  
弟苦心修建蓋皆有功於帝而爲黃冠翹楚者逝  
矣侯者深研黃庭如當年陶隱居葛雅川一流者  
乎是爲記舊志段有源重修祖師殿碑記云大道宮  
豫會之一名觀也其神北極元帝福善禍淫靈應  
昭彰奔走數省每歲正四方齋香朝拜者輻輳雲  
集至月旣而未已焉香火之盛不亞武當舊址在

祥符縣志

卷十三

祠祀  
寺觀

五十五

城西南隅明洪武二十一年初名祐聖觀正德元  
年勅改今額明季圯於河

國朝順治九年改建於永甯藩府規模宏敞殿宇壯麗  
康熙五十八年楊大中丞又爲重修乾隆十六年  
聖駕臨幸以其地改建臬署遂移於茲噫一廟也前後之  
變遷至再至三而神之威靈如故百姓之供俸頂  
禮亦如故不以時爲改易也斯地名萬壽宮自廟  
移於此又呼爲萬壽觀地勢下窪頻年雨潦爲患  
住持苗謙先誠心叩募遠近響應不數月間而事  
畢工竣亦可以見豫省年穀順成人心好善樂施

而釀金勸闕易易也夫善不論大小義闕踴躍鼓舞使闕不墮未始不可以觀後況由此而精勤不懈日新月異增其式廓將昔之所謂與相國寺延慶觀峙立爲三者安知不復見於將來乎續

延慶觀在縣治西卽宋朝元萬壽宮明洪武六年改今額置道紀司於內成化十六年修

國朝康熙七年邑人趙行足募修道光二十七年布政使王簡重修

萬曆三十八年周王重修增

左長史周國庠碑畧云延慶觀之建其來久遠題

祥符縣志

卷十二

祠祀  
寺觀

五十六

額屢更而以延慶觀得名則自定祖建國始也我太祖高皇帝混一寰宇卽裂名區都隩區眾建闕王爰度所爲祝釐焚修之所闕上真往顯靈示異爲斯土禦灾捍患元蹟炳炳勒之貞珉闕二國主身朱叻而心元風前之嗣徽祖武後之昭茲來許上之福我宗祊下之保我萬民云云增

延慶觀起建黃籙預修聖會小引碑余嘗檢閱志書見延慶觀舊爲朝元萬壽宮明洪武六年改今額置道紀司於內成化十六年重修其後周藩疊加修葺殿宇巍峩累化稱盛自明末壬午破城民

社漂流舉數百年璇題碧甃鱗次翼舒者已化爲  
黃沙白草矣當是時也我汴人流離播遷尙無室  
廬井竈之安焉有闕結善之禮泊我

大清定鼎神人胥慶百廢俱舉維時間里信善男女靡  
不歡欣鼓舞樂與爲善共登菩提也適有首事趙  
足行等熾發善會約衆捐資金裝三聖聖像巍然  
煥然共成大殿三楹靈官殿一座周圍客舍羣房  
無不畢備而黃冠吳真雲協力成之於康熙七年  
內起建黃籙預修善會老稚爭謁一時士女繽紛  
莫不聳然敬躍然喜是以鐙燭之燄上達層霄鐘

祥符縣志

卷十二

祠祀  
寺觀

五十七

鼓之音遠聞數里蓋以三年於茲矣豈非心存敬  
畏福德遠屆者哉從此豐樂歲稔萬竈安然覩東  
京之盛於是焉啟之是不可不記諸石增

開封府知鄒鳴鶴碑記云汴城西南隅延慶觀者  
有宋時朝元萬壽宮也前殿祀呂祖後峙傑閣供  
奉昊天上帝道光辛丑河溢張灣浸入城觀以全  
沒越丁未春方伯素園王公屢過遺址以昊天上  
帝陰隲下民呂祖回瀾保障崇封孚佑帝君不可  
不興復而奉祀之也乃節廉倡捐鳩工庀材不數  
月工竣鱗次翼舒舊規全復汴人士歡欣鼓舞禮

拜者駢集乃屬余爲文記之余慨然曰是觀當有  
宋宣政時道君率林靈素王文輩每修內醮必臨  
其地星冠絳服混跡羽流識者憂之後世譏之今  
方伯興復是觀汴人士歡欣鼓舞若深幸其成而  
惟恐其不成者何也天視自民視天聽自民聽道  
君惟不恤民事而日以齋醮爲急後世遂以病道  
君者并病是觀方伯救災拯饑日有孳孳而於勤  
恤民事之暇出餘力以復古蹟且舉陰隲斯民保  
障斯民者虔誠奉祀以冀永庇吾民吾民有不歡  
欣鼓舞大異於宣政內醮時乎其崇奉是觀同而

所以崇奉之者正相反也抑余更有慨焉自觀創  
始於宣政後洪武六年易今額成化十六年重修  
迨崇禎十五年闖賊決河灌城觀沒於水我朝康  
熙初一統昇平大河順軌汴人趙足行等始興復  
之歷百八十載至道光辛丑復以河患沒越今丁  
未河復城完民大和會是觀乃亦重建上下八百  
年中大抵河防壞則民散而觀以廢河防治則民  
安而觀以興其關係爲何如也吾願後之臨斯汴  
者勤求邦本慎固隄防俾千萬年安瀾永慶吾民  
乃以千萬年永安焉而是觀乃以千萬年永固焉

是方伯之志也是汴土蒼生之願也抑亦昊天上  
帝孚佑帝君所千萬年佑啟之而呵護之者也是  
不可以不記是役也方伯偕廉訪觀察率百執事  
以次書捐計費錢六千二百六十千有奇計成屋  
五十一間督工則東河主簿潘恭豫董事則李國  
照沈大茂金鑑法沈武揚謝禹功而相度經營與  
方伯協力定議者則吾友上虞顧斐世也

續

元李準詩宋家天子朝元閣南內宮中太乙壇五  
夜星辰金榜動九天風露玉階寒朱衣魚鬣迎笙  
鶴絳節龍光引佩鸞八駿不歸遼海月步虛空繞

祥符縣志

卷十二

祠祀  
寺觀

五十九

紫雲端

舊志

按延慶觀在城內西南宋時爲朝元萬壽宮前臨  
巨浸卽汴河故址當時規模不可考今山門內戲  
樓呂祖殿三清殿東西官廳周圍遊廊皆道光二  
十七年間方伯王簡重修具詳鄒觀察鳴鶴碑記  
最後傑閣高數丈士人以觀目之謂是當年故物  
下一層作方式甕門南嚮兩旁鐵窗臺與地平疑  
下有淤入土處門上重阿斗拱悉雕甍爲之門內  
奉元帝像四隅甃甍砌成不見梁棟亦無階梯中  
層八稜以碧琉璃作人字形如屋山然八面拱起

上層八角亭高僅及丈衛以甃闌聖以緋灰覆以碧琉璃瓦南向一門門上雕琉璃甃爲蟠龍中拱二字題曰玉皇知內奉玉皇像也東壁有康熙十年巡撫郎廷相布政司徐化成按察使李士模起建黃籙預修聖會小引碑約略可讀又碑南面嵌明萬曆三十八年重修延慶觀記上截字略可辨下截不能句讀特並錄之以紀此觀當日之盛

逍遙觀在仁和門內元時建年月失考明洪武八年重修明季河水圯

舊志

三清觀在安遠門內明永樂三年建後淪於水成化

祥符縣志

卷十二

祠祀  
寺觀

六十

十四年重修明季河水圯

舊志

玉陽觀在縣治西北卽楊延昭宅遺址明正德十年

建明季河水圯

舊志

遇仙觀在仁和門內元時建年月失考明洪武六年

重修明季河水圯

舊志

延祐觀在延慶觀側宋時勅修今圯

河南通志增

白衣閣在今布政司東街南向邑少傅劉昌重修

舊志

倉皇陵在城東北二十里時和保俗呼爲倉皇塚是也按禪通紀倉頡居陽武而葬利鄉所謂利鄉卽時和保之墟也

漢

靈昭陵在城東北四十五里馬尾墻保卽春秋宋之黃鄉高祖兵敗母死焉後招魂葬之有丹蛇出心中躍入梓宮躍出有遺髮乃號靈昭陵其地曰小黃園因置小黃縣陵寢累經河水淤平

金

章宗明惠王皇后陵在城北五里莊

祥符縣志

卷十二

祠祀

六十一

墓

春秋

扁鵲墓在大梁門外西北菩提寺之東舊在城內唐元和十五年宣武軍節度使張弘靖徙座于此

戰國

梁王墓在城西八角保卽魏王瑩

信陵君墓在城東揚州門南

段干木墓在城西北二十里

張儀墓在城東北七里

朱亥墓在城南朱仙鎮保俗呼屠兒墓

漢

張耳墓在城北四十里毋寺保

甘公墓失考所在

夏侯敞墓失所在

晉

畢卓墓在城北

唐

李靖墓在城南鬧店保

段志賢墓在城南鬧店保之王家庄

單雄信墓在仁和門內西北隅

祥符縣志

卷十三

祠祀  
陵墓

六十二

五代

張氏墓在潤色鄉或傳卽梁朱温妻

李穀墓在城東門外

宋

王旦墓在城東大邊村

宋歐陽修撰王旦神道碑

詳見歐陽文忠集

劉安世墓失考所在

呼延贊墓在城南朱僊鎮之東北咸寧初贊掌護元

德皇后園陵儀衛還卒葬此

潘仁美墓在城南鬧店

李遵勗墓在城東北南神岡

李端懿墓端懿乃駙馬遵勗之子附葬父墓側

宋歐陽脩撰李端懿墓誌銘

詳見歐陽文忠文集

葛景先墓在城西八角保大營舖

永泰縣主趙氏墓在城南鬧店保

張堯夫墓失考所在

曹仙姑墓在城南鬧店保

金

獻太子墓在迎朔門外宣宗長子

元

祥符縣志

卷十二

祠祀  
陵墓

六十三

李鐸墓在城東南赤倉保

游顯墓在城西南朱仙鎮保

楊澤墓在西南棗林庄

元程鉅夫撰楊氏先塋記

詳見雪樓集

案記云公

諱澤字潤夫凡再被恩階曰榮祿大夫官曰大司

徒勲曰柱國梁國其封文懿其諡也其行已詳所

賜碑

高平章墓在城西八角保

周令公墓在城南鬧店保

陶令公墓在城南鬧店保

高興墓在城東南史胡舖之北

賈員外墓在城西南八角保

明

周顯王墓在城西南棗林庄

周十王墓在城關王廟側

周賢王墓在城西刑村

二王墓在城西邢家堂

應城王墓在城西大營舖

張玉墓在城南鳳城岡

明楊士奇撰張玉墓銘

詳見東里文集

祥符縣志

卷十二

祠祀  
陵墓

六十四

王觀墓在城南

傅安墓在城西南朱仙鎮保

趙玗墓在城南白墓岡

王繼墓在城南鳳城岡

王宇墓在城西鄭門

李源墓在城東揚州門外

李鉞墓在城西水門

皇清

劉昌墓在城西十里

李光座墓城西南朱仙鎮保

王烈女墓在城南

張射光墓在城西南朱仙鎮保

倭仁墓在西門外邊北一里許

其祖墓在北門外關庄左右

王懿德墓在曹門外邊北三里卓屯庄南阡

漏澤園義塚

附

漏澤園舊在曹門西門朱仙鎮河東陳橋小高廟鄭

店七處又瓦子坡埽頭邊村水坡太平堽五處

義塚現二十二處東門外一處在三教堂東計地八

畝宋門外五處一在關東計地十畝一在老君堂

計地八畝一處陽正門計地五十二畝四分七釐

祥符縣志

卷十三

祠祀  
陵墓

六十五

一在百塔計地二十畝一在文家庄計地十六畝

南門外二處一在周公祠計地十九畝一在袁府

庄計地五畝西門外五處一在福慧菴北計地五

畝一在福慧菴東北計地二十六畝一在西關大

佛寺西南計地十五畝一在關西北計地三十一

畝一在關北計地四畝北門外一處在關東計地

四十畝河北二處一在陳橋迤北計地五畝一在

陳橋迤東計地十畝朱仙鎮六處一在鎮南頭計

地八畝一在廟堽北計地五畝一在鎮北頭計地

十畝一在鎮東滾子李家計地四畝一在鎮東關



